

«Եվրասիական
տնտեսական միության
մասին» պայմանագրի

ԱՐՁԱՆԱԳՐՈՒԹՅՈՒՆ

ՆԱՎՔԻ և ՆԱՎԹԱՄԹԵՐՔԻ ԸՆԴՀԱՆՈՒՐ ՉՈԼԿԱՆԵՐԻ ԿԱՌԱՎԱՐՄԱՆ, ԿԱԶՄԱԿԵՐԱՊՄԱՆ, ԳՈՐԾՈՒՆԵՈՒԹՅԱՆ և զարգացման կարգի մասին

1. «Եվրասիական տնտեսական միության մասին» պայմանագրի (այսուհետ՝ ‘Պայմանագիր’) 79-րդ, 80-րդ և 83-րդ հոդվածների համաձայն՝ սույն Արձանագրությամբ սահմանվում են նավքի ոլորտում համագործակցության հիմքերը, Միության՝ նավքի ու նավթամթերքի ընդհանուր շուկայի ձևավորման սկզբունքները, ինչպես նաև նավքի ու նավթամթերքի փոխադրման ոլորտում բնական մենաշնորհների սուբյեկտների կողմից մատուցվող ծառայությունների հասանելիության ապահովման սկզբունքները:

Սույն Արձանագրությունը մշակվել է՝ հաշվի առնելով «Եվրասիական տնտեսական համայնքի անդամ պետությունների ընդհանուր էներգետիկ շուկայի ձևավորման մասին» 2008 թվականի դեկտեմբերի 12-ի հայեցակարգի դրույթները՝ անդամ պետությունների վառելիքաէներգետիկ համալիրների ներուժի արդյունավետ օգտագործման, ինչպես նաև ազգային տնտեսություններին նավթով և նավթամթերքով ապահովելու նպատակներով:

2. Սույն Արձանագրության մեջ օգտագործվող հասկացություններն ունեն հետևյալ իմաստը՝

«Նավքի ու նավթամթերքի փոխադրման ոլորտում բնական մենաշնորհների սուբյեկտների կողմից մատուցվող ծառայությունների հասանելիություն»,՝ անդամ պետությունների բնական մենաշնորհների սուբյեկտների կողմից կառավարվող նավքի ու նավթամթերքի փոխադրման համակարգերի օգտագործման իրավունքի շնորհում՝ նավքի ու նավթամթերքի փոխադրման նպատակով.

«Նավք ու նավթամթերք»՝ ապրանքներ, որոնք սահմանված են Եվրասիական տնտեսական միության արտաքին տնտեսական գործունեության միասնական ապրանքային անվանացանկին և Եվրասիական տնտեսական միության միասնական մաքսային սակագնին համապատասխան,

«անդամ պետությունների նավթի և նավթամթերքի ընդհանուր շուկա»՝ անդամ պետությունների տնտեսավարող սուբյեկտների առևտրատնտեսական հարաբերությունների ամբողջություն անդամ պետությունների տարածքներում նավթի ու նավթամթերքի արդյունահանման, փոխադրման, մատակարարման, վերամշակման և սպառման ոլորտում, որոնք անհրաժեշտ են անդամ պետություններին՝ դրանց պահանջարկը բավարարելու համար,

«Միությունում նավթի և նավթամթերքի ինդիկատիվ (կանխատեսվող) հաշվեկշիռներ»՝ գազի, նավթի և նավթամթերքի ինդիկատիվ (կանխատեսվող) հաշվեկշիռների ծևավորման մեթոդաբանությամբ սահմանվող կանխատեսման ցուցիչների համակարգ.

«Նավթի և նավթամթերքի փոխադրում»՝ նավթի և նավթամթերքի տեղափոխում ցանկացած եղանակով, այդ թվում՝ էլեկտրահաղորդման գծերի օգտագործմամբ՝ ուղարկողից դրա ընդունման կետից մինչև ստացողին հանձնելու կետը՝ ներառյալ դատարկելը, լցնելը, այլ փոխադրամիջոցի վրա վերաբեռնելը, պահելը, խառնելը:

3. Միությունում նավթի և նավթամթերքի ընդհանուր շուկաներ ծևավորելիս՝ անդամ պետություններն առաջնորդվում են հետևյալ հիմնական սկզբունքներով.

1) փոխադրած առևտրում քանակական սահմանափակումների և արտահանման մաքսատուրքեր, (համարժեք նշանակություն ունեցող այլ տուրքեր, հարկեր և վճարներ) չկիրառելը: Միության մաքսային տարածքի սահմաններից նավթի և նավթամթերքի արտահանման մաքսատուրքերի վճարման կարգը սահմանվում է անդամ պետությունների առանձին, այդ թվում՝ երկկողմանի համաձայնագրերով,

2) անդամ պետությունների՝ նավթի և նավթամթերքի պահանջարկի առաջնահերթ բավարարումը,

3) անդամ պետություններում նավթին և նավթամթերքին առնչվող նորմերի ու չափանիշների միասնականացումը,

4) բնապահպանական անվտանգության ապահովումը,

5) Միության՝ նավթի և նավթամթերքի ընդհանուր շուկաների տեղեկատվական ապահովումը:

4. Միության՝ նավթի և նավթամթերքի ընդհանուր շուկաների ծևավորման ուղղությամբ անդամ պետություններն իրականացնում են հետևյալ համալիր միջոցառումները.

1) մաքսային տեղեկությունների հիման վրա տեղեկատվության փոխանակման համակարգի ստեղծումը, որը ներառում է փոխադրամիջոցների բոլոր տեսակներով

նավթի և նավթամթերքների մատակարարման, արտահանման ու ներմուծման մասին տվյալներ,

2) վերահսկողության մեխանիզմների ստեղծում՝ սույն Արձանագրության պայմանների խախտումը կանխելու նպատակով,

3) անդամ պետություններում նավթին և նավթամթերքին առնչվող նորմերի ու չափանիշների միասնականացումը:

5. Սույն Արձանագրության 4-րդ կետում նշված միջոցառումներն իրականացվում են անդամ պետությունների կամ դրանց լիազոր մարմինների կողմից համապատասխան միջազգային պայմանագրերի շրջանակներում մեթոդաբանություն կամ կանոններ պարունակող փաստաթղթեր ստորագրելու միջոցով:

6. Անդամ պետությունների միջև կնքված միջազգային պայմանագրերի համաձայն՝ անդամ պետությունները, իրենց ունեցած տեխնիկական հնարավորությունների սահմաններում, ապահովում են հետևյալ պայմանները՝

1) անդամ պետությունների տարածքներում փոխադրման գործող համակարգով արդյունահանված նավթի և դրանից արտադրված նավթամթերքի երկարաժամկետ փոխադրումն իրականացնելու երաշխավորված հնարավորություն, այդ թվում՝ մագիստրալային նավթամուղների և նավթամթերքի խողովակաշարերի համակարգերով դրանց փոխադրման հնարավորությունը,

2) անդամ պետությունների տարածքներում գրանցված տնտեսավարող սուբյեկտների համար յուրաքանչյուր անդամ պետության տարածքում տեղակայված նավթի և նավթամթերքի փոխադրման համակարգի հասանելիություն՝ նոյն պայմաններով, ինչով, որ դրանք հասանելի են այն անդամ պետության տնտեսավարող սուբյեկտների համար, որի տարածքով իրականացվում է նավթի և նավթամթերքի փոխադրումը:

7. Նավթամուղների ու նավթամթերքի խողովակաշարերի համակարգով նավթի և նավթամթերքի փոխադրման սակագները սահմանվում են յուրաքանչյուր անդամ պետության օրենսդրության համաձայն:

Անդամ պետությունների տնտեսավարող սուբյեկտների համար նավթի և նավթամթերքի փոխադրման սակագները սահմանվում են միևնույն մակարդակի վրա, ինչը հավասար է այն սակագներին, որոնք սահմանվել են այն անդամ պետության տնտեսավարող սուբյեկտների համար, որի տարածքով իրականացվում է նավթի և նավթամթերքի փոխադրումը:

Անդամ պետությունների տնտեսավարող սուբյեկտների համար նավթի և նավթամթերքի փոխադրման սակագների սահմանումը, որոնք ավելի ցածր են, քան

այն անդամ պետության տնտեսավարող սուբյեկտների համար սահմանված սակագները, որի տարածքով իրականացվում է նավթի և նավթամթերքի փոխադրումը, պարտադիր չի համարվում:

8. Անդամ պետությունների լիազոր մարմինները, գագի, նավթի և նավթամթերքի ինդիկատիվ (կանխատեսվող) հաշվեկշիռների ձևավորման մեթոդաբանության համաձայն, Հանձնաժողովի մասնակցությամբ մշակում ու համաձայնեցնում են.

յուրաքանչյուր տարի մինչև հոկտեմբերի 1-ը՝ հաջորդ օրացուցային տարվա համար Միության՝ նավթի և նավթամթերքի ինդիկատիվ (կանխատեսվող) հաշվեկշիռները,

Միության՝ նավթի և նավթամթերքի երկարաժամկետ ինդիկատիվ (կանխատեսվող) հաշվեկշիռները, որոնցում, անհրաժեշտության դեպքում, կարող են ճշգրտումներ կատարել՝ հաշվի առնելով անդամ պետություններում նավթի արդյունահանման, նավթամթերքի արտադրության և սպառման ոլորտում տեղի ունեցած փաստացի փոփոխությունները:

Անդամ պետություններից մեկի տարածքում արդյունահանված նավթի՝ այլ անդամ պետության տարածքով փոխադրման ծավալներն ու ուղղությունները, յուրաքանչյուր տարի սահմանվում են անդամ պետությունների լիազոր մարմինների միջև առկա արձանագրություններով:

9. Անդամ պետությունների՝ նավթի և նավթամթերքի ներքին շուկաների կարգավորումն իրականացվում է անդամ պետությունների ազգային մարմինների կողմից: Անդամ պետություններն իրականացնում են միջոցառումներ նավթի և նավթամթերքի շուկաների ազատականացման համար՝ անդամ պետություններից յուրաքանչյուրի օրենսդրության համաձայն:

10. Սույն Արձանագրության դրույթները չեն ազդում անդամ պետությունների՝ միջազգային այն պայմանագրերից բխող իրավունքների և պարտավորությունների վրա, որոնց մասնակիցն են իրենք:

11. Պայմանագրի XVIII բաժնի դրույթները կիրառվում են նավթի և նավթամթերքի փոխադրում իրականացնող՝ բնական մենաշնորհների սուբյեկտների նկատմամբ՝ հաշվի առնելով սույն Արձանագրությամբ նախատեսված առանձնահատկությունները:

12. Միության՝ նավթի և նավթամթերքի ընդհանուր շուկաների ձևավորման վերաբերյալ՝ Պայմանագրի 84-րդ հոդվածի 3-րդ կետով նախատեսված միջազգային պայմանագիրն ուժի մտնելուն նախորդող ժամանակահատվածում գործում են նավթի և նավթամթերքի մատակարարումների, արտահանման մաքսատուրքերի (համարժեք ազդեցություն ունեցող այլ տուրքերի, հարկերի և

վճարների) սահմանման ու վճարման կարգի ոլորտում անդամ պետությունների միջև կնքված երկկողմանի համաձայնագրերը, եթե համապատասխան անդամ պետություններն այլ բան չպայմանավորվեն:
